

**Clybiau
Plant Cymru
Kids' Clubs**

WLTO/0425

SWYDDOG HYFFORDDI CYMRAEG DAN HYFFORDDIANT

Pecyn Ymgeisio

**IGYRCHU'R PECYN YMA YN
SAESNEG, CLICIWCH YMA**

Cwmni cyfyngedig drwy warrant 4296436
Elusen Gofrestredig 1093260.
Yn gweithio mewn partneriaeth â



AMDANOM NI

Clybiau Plant Cymru Kids' Clubs yw'r gyfundrefn genedlaethol ar gyfer Clybiau Gofal Plant All-Ysgol yng Nghymru.

Ein gweledigaeth yw Cymru lle mae plant yn chwarae a chymunedau'n ffynnu.

Ein cenhadaeth yw bod yn llais Clybiau Gofal Plant All-Ysgol yng Nghymru, gan gefnogi hawl plant i chwarae a gofal plant o ansawdd sydd yn gynaliadwy, yn fforddiadwy ac yn diwallu anghenion plant, eu teuluoedd a'u cymunedau.

Am wybodaeth bellach ar ein gwerthoedd a'n nodau strategol i Glybiau All-Ysgol, cliciwch [yma](#).

Mae Clybiau Gofal Plant All-Ysgol yn rhedeg naill ochr i'r diwrnod ysgol ac yn ystod y gwyliau, gan alluogi rhieni/gofalwyr i ddychwelyd i'w gwaith neu hyfforddiant a phlant i fwynhau darpariaeth o ansawdd sy'n canolbwyntio ar chwarae ac wedi ei staffio gan Weithwyr Chwarae cymwysedig. Mae dros 1500 o Glybiau Brecwast, Ôl-Ysgol a Gwyliau Cymraeg, Saesneg a dwyieithog ar hyd a lled Cymru.

Fel elusen gofrestredig, Bwrdd Ymddiriedolwyr gwirfoddol neu Gyfarwyddwyr sy'n gwneud penderfyniadau polisi Clybiau Plant Cymru Kids' Clubs. Etholir y bobl hyn yn flynyddol a dônt o Glybiau All-Ysgol ar hyd a lled Cymru.

Rydym yn darparu cefnogaeth a hyfforddiant i fusnesau gofal plant:

Cefnogi Busnesau Gofal Plant

Gallwn helpu unigolion, ysgolion, darparwyr gofal plant presennol, aelodau pwyllgor ac eraill i sefydlu busnesau gofal plant, a chefnogi'r rhai sy'n bodoli eisoes.

Hyfforddiant

Rydym wedi bod yn hyfforddi'r sector Gofal Plant All-ysgol ers dros 20 mlynedd i ddatblygu gweithlu proffesiynol sy'n cofleidio ac yn cefnogi chwarae y mae plant yn ei hunan-gyfarwyddo.

Rydym yn darparu cymwysterau Gwaith Chwarae (Mae NCFE, y corff dyfarnu cymwysterau, yn ein graddio'n 'rhagorol'. Hefyd Datblygiad Proffesiynol Parhaus ac ystod o weithdai gweithgaredd yn seiliedig ar chwarae. Gweler ein digwyddiadau a'n Cyfarwyddiadur hyfforddi diweddaraf [yma](#).

MANTEISION GWEITHIO GYDA NI

Profwch y gwahaniaeth a wna Clybiau Plant Cymru Kids' Clubs

Effaith sydd o Bwys:

Profwch wir lawenydd cael barhaol ar fywydau ifanc.

Yn Clybiau Plant Cymru Kids' Clubs byddwch yn rhan o dîm sy'n creu Cymru lle gall plant chwarae a chymunedau ffynnu.

Eich Amser i Ymlacio

Mwynhewch egwyl cwbl haeddiannol gyda'n pecyn gwyliau hawl. Rydym yn credu mewn cydbwysu bywyd a gwaith, ac yn sicrhau eich bod yn cael amser i ail-gyfnertu a mwynhau bywyd y tu hwnt i'r gweithle.

Hyblygrwydd sy'n Hwylus:

Rydym yn deall y gofynion sydd arnom mewn bywyd. Cewch gofleidio gyrfa llawn boddhad gan hefyd fwynhau'r hyblygrwydd sydd ei angen arnoch drwy ein cynlluniau Amser o'r Gwaith â Thâl a Gweithio Ystwyth. Mae eich llesiant o bwys, ac rydym ni yma i'ch cefnogi ar eich taith.

Rhyddhewch eich Potensial: :

Agorwch y drws i fyd o dyfiant drwy ein hyfforddiant cynhwysfawr a'n rhaglenni datblygu.

Yn Clybiau Plant Cymru Kids' Clubs, buddsoddwn yn eich sgiliau, gan sicrhau eich bod yn cyrraedd eich potensial i'r eithaf.



100 % YN CYTUNO

Dwi'n teimlo mod i'n cael fy annog i feddwl am ffyrdd newydd a gwell o wneud pethau




100 % YN CYTUNO

Mae fy swydd yn gwneud defnydd da o'm sgiliau a'm galluoedd



100 % YN CYTUNO

Rwy'n cael fy annog i wneud fy ngorau



100 % YN CYTUNO

Mae'r sefydliad yn arddangos yn weledol ymrwymiad i ansawdd



CLYBIAUPLANTCYMRU.ORG

REGISTERED CHARITY/ELUSEN GOFRESTREDIG: 10932601
COMPANY LIMITED BY GUARANTEE/CWMNI CYFYNGEDIG
TRWY WARANT: 4296436



MANTEISION GWEITHIO GYDA NI

Er mwyn eich llesiant

Trefniadau gweithio hyblyg, gweithio hybrid, cyfleoedd hyfforddi a datblygu yn ogystal â mynediad at ein Hyb Lles a Hyrwyddwyr Iechyd Meddwl, cyfarfodydd goruchwyllo misol gyda'ch rheolwr llinell ac arfarniadau blynyddol.

Er mwyn eich iechyd

28 diwrnod o wyliau pro rata ynghyd â gwyliau cyhoeddus (pro-rata ar gyfer gweithio rhan-amser) ynghyd â manteision ychwanegol yn seiliedig ar hyd y gwasanaeth a ddaw ar gael am 3 blynedd o wasanaeth a 5 mlynedd o wasanaeth sy'n cynnwys diwrnodau gwyliau blynyddol ychwanegol a mynediad i Perkbox. Rydym hefyd yn darparu yswiriant iechyd corfforaethol trwy Simply Health lle, ar ôl cyfnod prawf o chwe mis, mae gweithwyr sydd wedi'u cadarnhau yn eu swydd yn cael Yswiriant Simply Health – yn rhad ac am ddim – a'r opsiwn i dalu am yswiriant ychwanegol ar gyfer priod / partner a phlant.

Er mwyn eich diogeledd ariannol

Mae Clybiau Plant Cymru Kids' Clubs yn gweithredu cynllun pensiwn rhanddeiliaid ar y cyd ag Aviva. Gall cyflogeion, yn amodol ar rai meini prawf cymhwysedd, ymuno â'r cynllun pensiwn. Bydd cyflogeion cymwys yn cael cyfraniad o 6% tuag at eu pensiwn gan Clybiau Plant Cymru Kids' Clubs, cyhyd â bod y cyflogai'n cyfrannu 2% o'i gyflog crynswth sylfaenol i'r cynllun. Hefyd tâl mamolaeth estynedig, tâl tadolaeth a thâl mabwysiad.

Telir lwfans milltired tra ar fusnes Clybiau Plant Cymru Kids' Clubs. Yn ogystal telir treuliau parod, cyfyngedig, am deithio a chynhaliath tra byddir ar fusnes Clybiau Plant Cymru Kids' Clubs. Ôl-delir treuliau yn fisol.



SUT BETH YW GW ITHIO I CLYBIAU PLANT CYMRU KIDS' CLUBS?



“

Rwy'n cael bod y cytundeb gweithio ystwyth ynghyd â'r system TOIL yn cyd-fynd yn dda â'm hymrwymiaadau ac yn rhoi cydbwysedd da rhwng bywyd a gwaith. Mae fy rôl yn rhoi boddhad i mi ac rwy'n mwynhau bod yn rhan o dîm sy'n cyd-dynnu.

”

“

Rydw i wir yn mwynhau gweithio i Clybiau Plant Cymru Kids' Clubs, mae'r fîm i gyd yn gyfeillgar ac yn wych i weithio gyda nhw. Rwy'n mwynhau fy rôl fel Swyddog Datblygu Busnes Gofal Plant yn cefnogi llywodraethu, cynaliadwyedd ac ansawdd mewn clybiau Gofal Plant y tu allan i oriau ysgol, gan fod fy ngwaith yn amrywiol iawn ac nid oes dau ddiwrnod yr un fath. Rwy'n cael pleser gwirioneddol o gefnogi'r sector, yn ogystal â gwybod fy mod yn gwneud gwahaniaeth i roi gofal plant cynaliadwy o safon a phrofiadau chwarae mewn Clybiau Gofal Plant All-Ysgol.



”



“

Fel aelod newydd o'r fîm rydw i wedi cael croeso gyda breichiau agored ac yn teimlo fel pe bai'r rhan o'r fîm wedi bod yma am gyfnod byr yn unig. Mae'n lle hyfryd, prysur i weithio ac mae pawb wedi bod yn gyfeillgar a chefnogol iawn.

”

RÔL Y SWYDDOG HYFFORDDI CYMRAEG DAN HYFFORDDIANT

Mae Clybiau Plant Cymru Kids' Clubs yn dymunopenodi Swyddog Hyfforddi Cymraeg dan hyfforddiant, rhan-amser (29.6 awr), i'w leoli yn ein swyddfa yng Nghaerdydd, â chytundeb gweithio ystwyth yn ei le.

Mae'r cyflog o £30,285 yn ôl y gyfradd (£32,115 yn ôl y gyfradd ar dderbyn cadarnhad mewn swydd) wedi ei seilio ar wythnos 37 awr, yn daladwy'n fisol drwy drosglwyddiad credyd. Mae oriau hyblyg yn ofynnol i'r swydd hon, a gallai gynnwys nosweithiau, penwythnosau a nosau achlysurol oddi cartref. Mae 28 diwrnod o wyliau yn ôl y gyfradd ynghyd â gwyliau cyhoeddus. Rhed y flwyddyn wyliau o 1 Medi i 31 Awst.

Mae'r Tîm Hyfforddi'n cael ei arwain gan y Rheolwr Hyfforddi Cenedlaethol; bydd yr ymgeisydd yn atebol i'r Swyddog Hyfforddi Arweiniol a'r Asesydd Anasawdd Mewnol (AAM) Arweiniol. Mae prif gyfrifoldebau'r Swyddog Hyfforddi Cymraeg dan Hyfforddiant wedi eu rhestru yn y meini prawf gwerthuso. Bydd arnoch angen dealltwriaeth o becynnau Windows a Microsoft, yn cynnwys Word, Excel, Outlook a Teams, a bod yn barod i ddysgu am – a defnyddio – pecynnau meddalwedd newydd a systemau monitor ar-lein.

Prif ffocws y rôl yw cefnogi'r gyfundrefn i gyrraedd ei goliau strategol drwy gyflenwi ac asesu hyfforddiant o ansawdd uchel er mwyn cefnogi'r Sector Gofal Plant All-Ysgol a'r Gweithlu Gwaith Chwarae.

Dylai fod gan yr ymgeisydd llwyddiannus ymagwedd hyblyg at waith a gallu addasu i bwysau, terfynau amser a llwythi gwaith amrywiol. Rydym yn ceisio cyflogi unigolyn sy'n awyddus i ddysgu a chyflawni ei botensial drwy ddatblygu i ateb y manylion a nodir yn y meini prawf gwerthuso. Byddwn yn gweithio gyda'r unigolyn i ddeall a bodloni gofynion y rôl, parhau â'i ddatblygiad proffesiynol a thyfu gyda'r tîm a'r sefydliad.

Mae pob gweithiwr yn chwarae rhan hanfodol wrth hyrwyddo cynllun strategol y sefydliad.

Os ydych yn awyddus i ymuno â'n tîm; yn flaengar, brwdfrydig, egniol, a hyblyg yn eich agwedd at waith, edrychwn ymlaen at dderbyn eich cais.

Mae pob cynnig o gyflogaeth yn amodol ar eirida boddhaol a chyfnod prawf o chwe mis.

Bydd Gwiriad Manylach y GDG ac aelodaeth o Gyngor Addysg y Gweithlu yn ofynnol cyn cyflogi (os nad yw'r rhain eisoes yn eu lle); telir y gost gan Clybiau Plant Cymru Kids' Clubs.

DISGRIFIAD SWYDD

Teitl y Swydd

Swyddog Hyfforddi Cymraeg dan Hyfforddiant

Lleoliad

I weithio o'n swyddfa yng Nghaerdydd, â chytundeb gweithio ystwyth yn ei le.

Oriau Gwaith

29.6 awr yr wythnos (Dydd Llun – Dydd Gwener)

Yn Atebol I'r

Swyddog Hyfforddi Arweiniol/AAM Arweiniol

Cyfradd Dâl

£30,285 pro rata (£32,115 ar lwyddo i dderbyn cadarnhad mewn swydd, fel arfer wedi 6 mis)

TASGAU A CHYFRIFOLDEBAU ALLWEDDOL

I gefnogi'r gyfundrefn i gyrraedd ei goliau strategol drwy gyflenwi ac asesu hyfforddiant o ansawdd i gefnogi'r Sector Gofal Plant All-Ysgol a'r Gweithlu Gwaith Chwarae.

1. Cefnogi cyflenwi cymwysterau Gwaith Chwarae, hyfforddiant a gweithdai deinamig
2. Cyflenwi gweithdai'n seiliedig ar chwarae a modelu dull gwaith-chwarae cadarnhaol.
3. Ymgymryd ag asesu Dysgwyr Gwaith Chwarae yn y gweithle
4. Cynorthwyo'r cyflenwad o brosiectau hyfforddi yn y gyfundrefn
5. Cefnogi creu Adnoddau Hyfforddi
6. Cyfrannu at lunio Newyddlenni a'r Bwletin Wythnosol
7. Mynychu cyfarfodydd mewnol ac allanol
8. Ymgymryd ag asesu Proffesiynol a chymwysterau dysgu; bydd ennill y cymwysterau yma'n arwain at adolyg'r cyflog
9. Gyrru yn eu flaen eu datblygiad proffesiynol eu hunain er mwyn gwella eu gallu i gyflawni'r rôl fel y bo'n briodol



SGILIAU A PHROFIAD CRAIDD

Hanfodol

- Y gallu i siarad ac ysgrifennu yn y Gymraeg a'r Saesneg.
- Gwybodaeth / Profiad mewn Gwaith chwarae ac arferion Gwaith Chwarae cyfredol.
- Sgiliau cyfathrebu da, ar lafar ac yn ysgrifenedig, a'r gallu i weithio gydag amrywiaeth o bobl ar wahanol lefelau proffesiynol a chyd-aelodau o'r tîm.
- Llythrennedd cyfrifiadurol.
- Trwydded yrru lawn a'r modd i ddefnyddio cerbyd.

Dymunir

- Wedi eu haddysgu at lefel gradd, TAR (Lefel 5).
- Profiad o ddefnyddio systemau portfolio ar-lein.
- Dealltwriaeth ac ymwybyddiaeth o faterion gofal plant a chwarae, a rôl Clybiau Gofal Plant All-Ysgol yn yr agenda economaidd.



MEINI PRAWF CYMHWYSEDD

AMCAN 1.

Cefnogi cyflenwi cymwysterau, hyfforddiant a gweithdai deinamig.

MEINI PRAWF PERFFORMIAD

- Datblygu cyrsiau hyfforddi a deunyddiau addas gan gynnwys cynlluniau gwrs, ac adolygu a diweddarau cyrsiau hyfforddi presennol.
- Dilyn y cynlluniau a'r adnoddau ar gyfer hyfforddi yn unol â'r cynlluniau safoni a rheoli fersiynau.
- Rhoi adborth ar yr hyfforddiant i gefnogi datblygiad y cyflenwi a'r arferion
- Cynnal arsylwadau cymheiriaid i sicrhau y glynir at bolisi dwyieithog y gyfundrefn ym mhob achos.

AMCAN 2.

Cyflenwi gweithdai'n seiliedig ar chwarae a modelu agwedd gadarnhaol tuag at Waith Chwarae.

MEINI PRAWF PERFFORMIAD

- Datblygu cyfleoedd chwarae addas i blant yn unol â phrosiectau penodol.
- Cefnogi adolygu gweithdai a rhoi adborth arnynt.
- Sicrhau bod yr adnoddau'n cael eu cynnal a'u dychwelyd i'w manau storio priodol.

AMCAN 3.

Ymgymryd ag asesu Dysgwyr Gwaith Chwarae mewn gweithle.

MEINI PRAWF PERFFORMIAD

- Cwblhau ac adolygu Cynlluniau Dysgu Unigol a phan fydd angen, Anghenion Dysgu Ychwanegol/y Saesneg yn Iaith Ychwanegol/tudalen Llesiant.
- Ymweld â dysgwyr y diploma lawn yn fisol yn eu gweithle i gwblhau asesiadau ac adolygiadau.
- Ymweld â Dysgwyr Cymwysterau Agored a chwblhau asesiadau a mentora.
- Rheoli portffoliau'r dysgwyr yn unol â'n polisi asesu teg.
- Cwblhau'r holl waith papur gofynnol, sy'n rhan o'r broses hyfforddi, yn amserol ac yn gywir.

AMCAN 4.

Cynorthwyo i gyflenwi prosiectau hyfforddi o fewn y gyfundrefn.

MEINI PRAWF PERFFORMIAD

- O dan gyfarwyddyd y tîm arwain hyfforddiant, cyflenwi hyfforddiant i staff ac ymddiriedolwyr Clybiau Plant Cymru Kids' Clubs.
- Cefnogi cyflenwi cynadleddau a digwyddiadau rhwydweithio.

AMCAN 5.

Cefnogi Creu Adnoddau Hyfforddi.

MEINI PRAWF PERFFORMIAD

- Mewn ymgynghoriad â'r Aseswr Ansawdd Mewnol Arweiniol a'r Swyddog Hyfforddi Arweiniol, llunio adnoddau i gefnogi ein Rhaglenni Hyfforddi.
- Cyflwyno adnoddau newydd eu llunio i'r Tîm Hyfforddi eu safoni.
- Cynnal rheoli-fersiynau a dilyn y canllawiau brandio.

AMCAN 6.

Cyfrannu at lunio Newyddlenni a'r Bwletin Wythnosol.

MEINI PRAWF PERFFORMIAD

- Ysgrifennu erthyglau ar gyfer newyddlenni cyfundrefnol a hyfforddi.
- Cyfrannu at lunio blogiau ar bynciau llosg neu brofiadau.

AMCAN 7.

Mynychu cyfarfodydd mewnol ac allanol.

MEINI PRAWF PERFFORMIAD

- Cymryd rhan mewn cyfarfodydd safoni gyda'r grŵp prosiect.
- Mynychu cyfarfodydd mewnol ac allanol, a chwarae rôl gadarnhaol a chynhyrchiol.

AMCAN 8.

Ymgymryd ag asesu Proffesiynol a chymwysterau dysgu.

MEINI PRAWF PERFFORMIAD

- Tystysgrif Lefel 3 NCFE mewn Asesu Cyrhaeddiad Galwedigaethol.
- Dyfarniad L3 mewn Addysg a hyfforddiant.
- Dyfarniad Lefel 3 mewn Cyflenwi Hyfforddiant Gwaith Chwarae Deinamig.

AMCAN 9.

Gyrru yn ei flaen eu datblygiad proffesiynol eu hunain er mwyn gwella eu gallu i gyflawni'r rôl.

MEINI PRAWF PERFFORMIAD

- Ymgysylltu â datblygiad proffesiynol parhaus drwy gydol y flwyddyn, yn cynnwys arferion Gwaith Chwarae wyneb yn wyneb.
- Adfyfrio ar ddatblygiad proffesiynol parhaus a chofnodi ar log DPP.
- Rhannu'r dysgu o'r cyrsiau a fynychwyd.



SUT I YMGESIO

Mae cynigion cyflogaeth yn amodol ar eirdaon boddhaol, gwiriadau hunaniaeth a gwiriadau DBS (os yn gymwys) ar y lefel briodol.

CWBLHEWCH Y CAIS ELECTRONIG YMA

CWBLHEWCH Y FFURFLEN MONITRO CYFLE CYFARTAL YMA

Gwyddom y gall cyfweiliadau fod yn brofiad brawychus. Os cewch eich rhoi ar y rhestr fer, rydym am eich gwneud yn gyfforddus drwy:

- Cynnig y cyfle i siarad ag aelod o'r tîm cyn y cyfweiliad i sgwrsio.
- Ymrwmo i ddeall yn llawn unrhyw anghenion ychwanegol a/neu unrhyw ofynion mynediad sydd gennych a rhoi unrhyw ofynion angenrheidiol yn eu lle o fewn amser da.
- Rhannu fformat y cyfweiliad a'r hyn a ddisgwylir gennych ymlaen llaw, er mwyn i chi allu paratoi'n dda, a theimlo'n fwy cyfforddus a rheolaethol, a fydd hefyd yn ein helpu i gael y gorau ohonoch.
- Sicrhau panel cyfweld sy'n gynrychioliadolol o'r.

Rydyn ni am i'r profiad fod yn un dymunol y byddwch chi'n myfyrio arno'n gadarnhaol waeth beth fo'r canlyniad. Edrychwn ymlaen yn fawr at ddarllen amdanoch, i ddod i'ch adnabod ymhellach.

Byddwn yn rhoi gwybod i chi! P'un a ydych yn llwyddiannus ai peidio ar bob cam o'r rhestr fer, byddwn mewn cysylltiad â'r camau nesaf ac yn hapus i gynnig adborth i chi ar eich cais/cyfweiliad.

Y dyddiadau allweddol:

- Dyddiad cau ar gyfer ceisiadau – 11/04/2025
- Gwahodd ymgeiswyr i gyfweiliad erbyn – By 15/04/2025
- Cynhelir cyfweiliadau yn ystod yr wythnos yn dechrau – 22/04/2025

I gael cymorth gyda'ch cais neu i drafod y broses recriwtio gallwch gysylltu â'n Uwch Weinyddwr Cyffredinol cyfeillgar Becci.



02920 741000



recruitment@clybiauplantcymru.org



Mae Clybiau Plant Cymru Kids' Clubs yn bodoli i helpu cymunedau yng Nghymru drwy hyrwyddo, datblygu a chefnogi clybiau gofal plant all-ysgol sydd o ansawdd, yn fforddiadwy ac yn hygyrch.

Rydym yn gyfundrefn Gymru-eang sy'n helpu i sefydlu, datblygu a chefnogi clybiau gofal plant all-ysgol. Rydym yn helpu clybiau, neu ddarpar glybiau, i wneud ceisiadau a gyllid ac rydym yn hyfforddi a chefnogi staff yn ystod sefydlu clwb ac yna yn ei rediad.

POB HWYL GYDA'CH CAIS!

www.clybiauplantcymru.org